

**FRAMKVÆMDARÁKVÖRDUN FRAMKVÆMDASTJÓRNARINNAR
(ESB) 2016/2241**

2017/EES/67/03

frá 9. desember 2016

Þar sem kveðið er á um tímabundna markaðssetningu fræs af tilteknum stofnum af tegundinni *Beta vulgaris* L. sem fullnægir ekki kröfum í tilskipun ráðsins 2002/54/EB*(tilkynnt með númeri C(2016) 8105) (*)*

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 2002/54/EB frá 13. júní 2002 um markaðssetningu sykurrófufræs ⁽¹⁾, einkum 1. mgr. 24. gr.,*og að teknu tilliti til eftirfarandi:*

- 1) Í Danmörku er ekki fyrir hendi nægilegt magn stofnfræs af tilteknum yrkjum *Beta vulgaris* L., sem uppfylla skilyrðin í b-lið 3. liðar í B-hluta I. viðauka við tilskipun 2002/54/EB að því er varðar hámarksþyngd skaðlausra óhreininda einkímsfræs, vegna þurra uppskeruskilyrða og þar af leiðandi er ekki hægt að fullnægja þörfum þess aðildarríkis.
- 2) Ekki er unnt að anna eftirspurn eftir slíku fræi með fræi frá öðrum aðildarríkjum eða þriðju löndum sem stenst allar kröfur sem mælt er fyrir um í tilskipun 2002/54/EB.
- 3) Því ætti að veita Danmörku heimild til að leyfa að fræ þessara yrkja sé sett á markað með vægari skilyrðum.
- 4) Auk þess ætti að heimila öðrum aðildarríkjum, sem eru í aðstöðu til að útvega Danmörku fræ þessara yrkja, að leyfa setningu slíks fræs á markað til að tryggja starfsemi innri markaðarins og koma í veg fyrir röskun hans, án tillits til þess hvort fræinu er safnað í aðildarríki eða þriðja landi sem fellur undir ákvörðun ráðsins 2003/17/EB ⁽²⁾.
- 5) Þar eð með þessari ákvörðun er innleidd undanþága frá kröfum í reglum Sambandsins er rétt að takmarka magn fræs, sem uppfyllir vægari skilyrði, við það lágmark sem nauðsynlegt er til að fullnægja þörfum Danmerkur. Í því skyni að tryggja að heildarmagn fræs, sem heimilað er að setja á markað samkvæmt þessari ákvörðun, fari ekki yfir hámarksmagnið sem þessi ákvörðun tekur til er rétt að Danmörk sé samræmingaraðili þar sem landið hefur lagt fram beiðni um samþykkt þessarar ákvörðunar og verður fyrir mestum áhrifum af setningu viðkomandi yrkis á markað.
- 6) Þar eð setning fræs á markað sem uppfyllir vægari skilyrði krefst undanþágu frá kröfum í reglum Sambandsins ætti hún að vera tímabundin til 31. desember 2017 þar sem sá tími er nauðsynlegur til að gera ráð fyrir framleiðslu á viðkomandi fræi og endurskoðun á skilyrðum að því er varðar þau yrki sem um er að ræða.
- 7) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um plöntur, dýr, matvæli og fóður.

SAMÞYKKT ÁKVÖRDUN ÞESSA:

1. gr.

Setning fræs *Beta vulgaris* L. (sykurrófa) á markað í Sambandinu í flokknum „stofnfræ“ af yrkjunum Enermax, Feldherr og Creta sem uppfyllir ekki kröfurnar í dd-lið í b-lið 3. liðar í B-hluta I. viðauka við tilskipun 2002/54/EB að því er varðar skaðlaus óhreinindi skal heimiluð fyrir heildarmagn sem er ekki yfir 61 kg og á tímabili sem rennur út 31. desember 2017, að því tilskildu að hámarkshlutfall skaðlausra óhreininda sé ekki meira en 2,2 miðað við þyngd.

(*) Þessi ESB-gerð birtist í Stjótíð. ESB L 337, 13.12.2016, bls. 20. Hennar var getið í ákvörðun sameiginlegu EES-nefndarinnar nr. 80/2017 frá 5. maí 2017 um breytingu á I. viðauka (Heilbrigði dýra og plantna) við EES-samninginn, biður birtingar.

(1) Stjótíð. EB L 193, 20.7.2002, bls. 12.

(2) Ákvörðun ráðsins 2003/17/EB frá 16. desember 2002 um jafngildi akurskoðana sem gerðar eru í þriðju löndum í frærækt og jafngildi fræs sem framleitt er í þriðju löndum (Stjótíð EB L 8, 14.1.2003, bls. 10).

2. gr.

Allir fræbirgjar, sem óska eftir því að setja á markað fræ, sem um getur í 1. gr., skulu sækja um það til þess aðildarríkis þar sem þeir hafa staðfestu. Í umsókninni skal tilgreina það magn fræs sem birgirinn óskar eftir að setja á markað.

Hlutaðeigandi aðildarríki skal heimila birginum að setja fræið á markað, nema:

- a) það hafi nægar vísbendingar til að efast um að birgirinn geti sett á markað það magn af fræi sem hann hefur sótt um leyfi fyrir eða
- b) veiting leyfisins myndi valda því að farið yrði yfir heildarhámarks magn fræs sem um getur í 1. gr.

3. gr.

Aðildarríkin skulu veita hvert öðru stjórnsýsluaðstoð við beitingu þessarar ákvörðunar.

Danmörk skal vera samræmingaraðildarríki til þess að tryggja að heildarmagn fræs, sem aðildarríkjunum er heimilt að setja á markað í Sambandinu samkvæmt þessari ákvörðun, fari ekki yfir það heildarhámarks magn fræs sem um getur í 1. gr.

Öll aðildarríki, sem taka við umsókn skv. 2. gr., skulu tafarlaust tilkynna samræmingaraðildarríkinu um það magn sem umsóknin tekur til. Samræmingaraðildarríkið skal tafarlaust upplýsa viðkomandi aðildarríki um það hvort leyfisveiting leiðir hugsanlega til þess að farið verði yfir heildarhámarks magnið.

4. gr.

Aðildarríkin skulu þegar í stað tilkynna framkvæmdastjórninni og hinum aðildarríkjunum um það magn sem þau hafa veitt markaðsleyfi fyrir samkvæmt þessari ákvörðun.

5. gr.

Ákvörðun þessari er beint til aðildarríkjanna.

Gjört í Brussel 9. desember 2016.

Fyrir hönd framkvæmdastjórnarinnar,

Vytenis ANDRIUKAITIS

framkvæmdastjóri.
